

# **Lox Tiag Grawng Rhuat Simie**



**Lukax 8:4-15**



## Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format.

The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)



## Puag Pua Pa Koe Plak Khaix

Maix sax yuh kaing sipeem lie? (Sum taux lhax, sidah rib, tai khan kix). Son sang mhawm lih sipeem maix, maix yuh ka mawx? Ex sang chix priex sipeem son sang mhawm lih plix haoh hun yuh ka mawx?

Baux bawg yam Isarilax, Yesux im ju tau mai pui pa yuh kaung ma khankix. Plak nie kix sum nghox koi khan kix heue. Daux blawng krax sum kix ang awm pa sum ex (jhak daux riang). Khaix hoik thai kix tiex, kix rhuat simie ngie heue. Kix ang sum daux rawm awm ex daux tong / bing. Daux been in Yesux krai lox tiag grawng krax rhuat simie son sang gau ex kah grawng Siyiex (a) grawng rhawm rhi ex mai Gumlox Nawh.







<sup>4</sup> Yam an cub pui hun khrawm paox tix  
kaoh khaing ku veng, hoek ka Nawh Cao  
mai Nawh sidiex gau kix ka lox tiag ah nin,<sup>5</sup>  
“Pui rhuat simie hu ti rhuat simie cie tix  
heue. Yam rhuat nawh simie tix blah cod ka  
dex krax mai pui dig ka caong tix, sim  
raoma khankix sut ti ih simie an heue.




<sup>6</sup> Simie tix blah cod ka piang simaox mai yam kuah, mawh kheu ang phon tiex koe tom fit kroh hu heue.



<sup>7</sup> Simie tix blah cod ka sinax pang kat mai  
pang kat an ting tau mai kix, tom kheem gut  
kix.



<sup>8</sup> Simie tix blah cod ka dee mhawm tiex mai ting tom plix plix tix yieh son heue.” Yam krai Nawn Cao grawng ceu in khankix, Nawn kok yo ah nin, “Kaw pa koe yhaok ti mhong kieh nawh mhong heue.”




<sup>9</sup> Kawncau Nawh khankix chawk Nawh Cao  
ka grawng dee bleeh lox tiag in heue. <sup>10</sup> Nawh  
Cao baox ah nin, “Hoik tawx kieh pex tawng  
grawng pa raux pa mox pa dex dawd mai  
Meung Siyiex, viang mawh nan, pa kawn  
deuk khankix tak krai ka lox tiag ka kix,



<sup>10b</sup> yuh ka mawx kix yaox kawx ang chix yaox  
mai kix mhong kawx ang chix tawng heue.”



<sup>11</sup> Dee bleeh lox tiag an mawh nin, simie an mawh gumlox Siyiex heue. <sup>12</sup> Kix pa cod dex krax, mawh kix pa hoik mhong mai khaix an phicaox hoek mai teei lox bwan khaing daux rhawm kix, yuh ka mawx son ang kix sang yum rhawm mai son ang hoek krax taoh heue.



<sup>13</sup> Kix pa cod ka piang simaox, mawh kix pa hoik mhong mai gaux rhawm rieb ti teei lox bwan mai kix ang koe riah, yum rhawm ngie tivud khaing, yam hoek bawg yam pa nyaw glaw, kix deeh laux leeing heue.



<sup>14</sup> Pa cod sinax pang kat khankix, mawh kix pa hoik mhong mai yam hu kix krax, pa khi rhawm mai sinngao mai ceu pa gaux rhawm pa dex dawd mai ju in, kheem gut kix, tom ang chix mhawm plix heue.



<sup>15</sup> Pa koe ka dee mhawm tiex, mawh kix pa  
rah pa mhawm rhawm pa hoik mhong lox  
bwan, mawh kix pa giex tom sied mai chix  
gun rhawm tix plix plix heue.

## **k. Deeh Thawk Theng**

1. Kadaux been in, ex yaox Yesux krai grawng tiex miex ceu?
2. Krai ceu tiex pon ceu mai simie cod piang tiex an khankix lih ti mawh yuh ka mawx?
3. Khaix hoik krai Yesux been, Nawh ah pa tix ka pui pa nghiet khankix?
4. “Simie” pa ah Yesux sang awm ceu pa tix? “Tiex” pa ah Yesux sang awm ceu pa tix?
5. Lox tiag Yesux “sim, simaox mai pang kat” khan kix mawh ceu pa tix?
6. Lox tiag Yesux “tiex pa mhawm” awm pui pa yuh ka mawx?

## **kh. Krax Pa Doh Rhawm Ka Been**

1. Simie pa cod piang krax -

Satan pie lhen ex ka daux blawng ceu pa tix (a) son ang yum rhawm ka Yesux.

2. Simie pa cod piang simaox -

Mawh krax sivix ceu pa tix pa kieh ex veeh ti  
Singai khaing Siyiex?

3. Simie pa cod sinax pang kat -

Mau khri mawh num riah pa nyaw glaw mai  
tok ex hu singai khaing Siyiex.

4. Maix keud yuh ka mawx ka grawng pa ah Yesux, “kaw pa koe yhaok tix mhong kieh nawh mhong heue”?

## **G. Krax Pa Deeh Shiao Daux Ju Tix**

1. Ex sang chix kieh “simie krax yum rhawm” pa koe daux rhawm ex raux riah ting lhaong huh ka mawx?
2. Yam sipub ex krax sivix (a) krax nyaw glaw, ex sang chix priex krax yum rhawm tix ka Yesux huh ka mawx?
3. Khuan Singax Singeh simie ti kieh ex plih plix ceu pa tix daux ju ex?

## **Ng. Ceu Pa Rieb Gau Ex Khaing Been In**

1. Gumlox Siyiex koe siawp ti tieh loh krax im ju ex mai teem son sang plix plix pa mhawm.
2. Krax nyaw glaw, krax kha rhawm mai rhawm pa simie tix cie, ceu in khankix mawh pa kieh ex singai khaing Siyiex.
3. Kadaux been in pon ti yaox Siyiex simie ex mawh pui pa nghiet ka lox Nawh heue.
4. Lheu khaing in maix kawn koe krax rieb gau ceu pa tix? Kawn koe lox sang chawk tix ceu ceu lie?

## **Baux Lai Pa Caw Tix Ci**

*Lukax 8:15 “Pa koe ka dee mhawm tiex, mawh kix pa rah pa mhawm rhawm pa hoik mhong lox buan, mawh kix pa giex tom sied mai chix gun rhawm tix plix plix heue.”*